

Mid-Day Dogri News Bulletin, 14 August 2025

समे – 12:25 hrs.

<><><><><><>

President

राष्ट्रपति द्रौपदी मुर्मू होर अज्ज 79में स्वतंत्रता दिवस दी पूर्व संध्या उप्पर राष्ट्र गी संबोधित करडन। एह संबोधन संझा 7 बजे थमां आकाशवाणी दे सभ्भनें राष्ट्री नेटवर्क उप्पर प्रसारित होग। एह दूरदर्शन दे सभ्भनें चैनलें पर हिंदी ते अंग्रेजी च प्रसारित होग। एहदे मगरा दूरदर्शन दे क्षेत्रीय चैनलें आसेआ क्षेत्रीय भाषायें च बी एहदा प्रसारण कीता जाग। आकाशवाणी अपने सरबंधत क्षेत्रीय नेटवर्क उप्पर रातीं साइडे 9 बजे थमां इलाकाई भाषायें च एहदा प्रसारण करोग।

<><><><><><>

PM-I-Day

राष्ट्र कल 79मां स्वतंत्रता दिवस मना'रदा ऐ ते प्रधानमंत्री नरेंद्र मोदी होर दिल्ली दे लाल किले थमां इस समारोह दा नेतृत्व करडन। मोदी होर ऐतिहासिक धरोहर दी प्राचीर थमां राष्ट्री तिरंगा चाढ़डन ते राष्ट्र गी संबोधित करडन। राष्ट्र 2047 तगर विकसित भारत दे सरकारी विजन गी साकार करने दी दिशा च तेजिया कन्नै अगगे बधा'रदा ऐ। इस्सै लेई इस ब'रै समारोह दा विषे ऐ-“नमां भारत”। एह समारोह इक समृद्ध, सुरक्षित ते साहसिक नमें भारत

दे निरंतर उदय दा चेता करने ते प्रगति दी बता उप्पर अगड़े बधने लेई नमी उर्जा प्रदान करने
दे इक मंच दे रूप च कम्म करोग।

<><><><><><>

LG-Felicitation Langer Committee

लेफ्टिनेंट गवर्नर मनोज सिन्हा होरें आखेआ ऐ जे इस बरे दी श्री अमरनाथ जी दी जातरा दे
कामयाब आयोजन ते सब्भनें सरबंधत धड़ें दे मजबूत जज्बे नै एह दस्सी दिता ऐ जे अस्स
दुनिया च कुसै कोलां बी पिच्छे नेई ऐं। एल.जी होरें आखेआ जे अमरनाथ जातरा दा कामयाब
आयोजन, निस्वार्थ सेवा दी स्हाड़ी बचनबद्धता ते तरक्की-बाददे दी बतै पर अगड़े बधै करदे
भारत दा प्रतीक ऐ। एल.जी सिन्हा होरें एह गल्ल कटड़ा दे आध्यात्मिक विकास केंद्र च लंगर
संगठनें गी सम्मानित करने लेई लोआए गेदे इक कार्यक्रम गी संबोधित करदे होई एह गल्ल
आक्खी। उनें गलाया जे अमरनाथ जातरा नै एह संदेश दिता ऐ जे भारत दे जज्बे गी कोई बी
शिकस्त नेई देई सकदा। एल.जी होरें बाबा अमरनाथ शरदालुएं दी निस्वार्थ सेवा लेई लंगर
संगठनें दी बड़ी मती सराहना कीती।

<><><><><><>

Drug-Awareness Prog

केंद्री गृह मंत्री हुं'द'आस'आ जारी निर्देशें मताबक नशा'दी रोकथाम सरबन्धी ब्यूरो आस'आ 15 त'6
'गस्त गी नशा'दी रोकथाम लई इक राश्ट्रव्यापी जागरूकता 'भि'ान दा आ'ोजन कीता जा'रदा ऐ।
इस मुहिम दा मकसद लोकें गी नशील'प्रदार्थें द'माड़' सर बरै जागरूक बनाना त'नशामुक्त भारत' द'
संकल्प गी ल'ए स'भनें गी किटु'आहना ऐ। इस दरान मुख्य भरै द'ब'ख-ब'ख शिक्षा संस्थानें च नशा

बरोधी ँ भि०ान तैहूत कार्णशाला, सभिनार, पोस्टर बनाना, निबंध लखन, प्रति०ोगितां, नुक्कड़ ना०क त० सैकल रैली ज़ह्नी गतिविधि०ं दा आ०ोजन करोआ०ा जाहूग तांज०लोकें, खास करि० नौजवानें दी, भारत गी नशामुक्त बनान०लई सक्रि० भागीदारी जकीनी बनाई जाई सकै।

<><><><><><>

Tiranga Rally

जम्मू दे गुलशन ग्राउंड थमां अज्ज बड्डलै इक बड्डी तिरंगा जातरा कड्डी गेई जेहड़ी महाराजा हरी सिंह पार्क तोहड़ी गेई। खरी मती गिनतरी च मुकामी लोकें, सिविल समाज दे सदस्यें ते स्कूली बच्चें बड़े जोश कन्नै इस रैली च हिस्सा लैता ते देशभक्ति दे नारे लाए। जम्मू शैहा च कड्डी गेदी इस बड्डी तिरंगा रैली कन्नै अज्ज पूरा म्हौल देशभक्ति आहला बनी गेआ।

<><><><><><>

PAC-AIIMS Jammu Visit

विधायक शाम लाल शर्मा हुंदी प्रधानता तैहत सार्वजनिक स्हाब-लेखें सरबन्धी कमेटी नै कल विजयपुर आहले एम्स अस्पताल दा दौरा लाइयै उत्थे मरीजें लेई उपलब्ध ढांचागत ते सेहत दिक्खभाल स्हूलतें दा जायजा लैता। एम्स जम्मू दे कार्यकारी निदेशक ते सी.ई.ओ शक्ति कुमार गुप्ता ते बक्ख-बक्ख विभागें दे प्रमुखें एम्स च ढांचागत ते होरनें विकास गतिविधिएं बारै इक्क ब्यौरेवार पावर प्वाइंट पेशकारी कीती। उनें एम्स अस्पताल च सेहत दिक्खभाल स्हूलतें दी दस्तयाबी ते मरीजें दे बेहतर इलाज-मुआलजे लेई गतिविधियें सरबन्धी रूप-रेखा बारै जानकारी सांझी कीती। कमेटी दे सदस्यें एह मेद बुज्झी ऐ जे एम्स अस्पताल च मरीजें, खास

करिये दूर-दूरे दे पच्छेत्तरे इलाके थमां ओने आहले गी निर्विघ्न ढंगे ने बेहतरी सेवा उपलब्ध होडन।

<><><><><><>

Heavy-Rains

मौसम विभाग ने जम्मू संभाग दे कई हिस्से च कल्ले तोड़ी भारी थमां बड़ी भारी बरखा बरने दी चेतावनी जारी करदे होई लोके गी गुजारिश कीती ऐ जे ओह इस सरबंघे च लोड़चदी एहतियात बरतन। आकाशवाणी दे जम्मू संवाददाता दी रिपोर्ट मूजब मैहकमे ने आखेआ ऐ जे खिते दे कई इलाके च इस दरान बदल घनोए दे रौहडन ते हौली थमां दरम्याने दर्जे दी बरखा बरग। मौसम विभाग ने जम्मू खिते दे कई जिले, जियां रियासी, उधमपुर, जम्मू, साम्बा, कठुआ, डोडा ते राजौरी च भारी थमां बड़ी भारी बरखा दे असार जताए न। मौसम विभाग ने किश इलाके च चानचक्क हाड़ आने, लहास-पस्सियां पौने ते प्हाड़ परा कुप्पड़ पौने दी शेंका बी जाहिर कीती ऐ। किश थाहरे पर अंधी झकखड़ झुल्लने ते शमानी बिजली मिलकने दे असार बी दस्से गे न।

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बशकार ऐ ते ओह जम्मू जिले दा रौहने आहला ऐ, ओह जम्मू जिले दा रौहने आहला ऐ एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी

पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौंहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>